



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

VII. Temperamento usa synodus secunda Parisiensis, itemque secunda  
Turonensis.

**urn:nbn:de:hbz:466:1-15617**

infringere tentarunt, ut suam conservarent integriorem, tribuentia videlicet Regi simplicem consensum, Episcopis vero jus conveniendi. Verum ea presumptio repressa est quoties potestate sua uti Reges voluerunt, quam legitimam esse agnovit Gregorius magnus.

Anno DXXXV. habita fuit Synodus Arvernensis eorum Episcoporum qui in regno Theodeberti erant, in regno scilicet Austrorum, veluti Treverensis, Agrippenensis, Metensis, Virdunensis, & aliquot Episcoporum regni Burgundionum, quod abolitum anno DXXXII. inter Reges Francorum fuerat divisum. Synodus illa Arvernensis, prima omnium immixuere cœpit regiam auctoritatem. Tantum enim abest ut se coactam fateatur iussu Principis, quemadmodum à duabus synodis superioribus pronuntiatum fuerat, ut etiam dicant Episcopi se congregatos fuisse à Spiritu sancto, cum consensu Regis Theodeberti, multum videlicet recedentes à consuetudine Conciliorum generalium, quorum patres profitebantur se literis Imperatorum congregatos fuisse in nomine Spiritus sancti, non autem à Spiritu sancto. *Cum in nomine Domini, inquit Concilium Arvernense in prefatione, congregante sancto Spiritu, consentiente Domino nostro gloriosissimo piissimoque Rege Theodeberio, in Arverna urbe sancta synodus convenisset.* At Episcopi Concilij tertij Aurelianensis robustius deprimunt auctoritatem regiam. Nullam enim mentionem faciunt consensus regij pro congregandis Sacerdotibus; sicut nec Aurelianense quartum habitum anno quingentesimo quadragesimo primo, nec Parisiense tertium anno quingentesimo quinquagesso septimo, neque demum Lugdunense secundum anno quingentesimo sexagesimo septimo; tametsi Gregorius Turonensis in libro v. hist. cap. xx. scribat illud fuisse coactum iussu Regis Gunthramni: *Congregari synodum ad urbem Lugdunensem jussit.*

VII. Concilium Parisiense secundum, itemque Turonense secundum, iis verbis utuntur quæ jura quidem Regum non omnino dissimulant, sed ita enervant atque imminuunt ut ni aliunde ratio suppeteret ea restituendi, dimidium regiae auctoritatis pericitari videatur. Nam licet Concilium Aurelianense quintum habitum anno DXLIX. intra temperamentum cuiusdam cancellos se contineat, dum ait, *Clementissimus Princeps, triumphorum titulis invictissimus, Dominus Childebertus Rex, pro amore sacra fidei & statu religionis, in Aurelianensi urbe congregavit in unum Domini Sacerdotes, syno-*

dus tamen Parisiensis secunda habita anno D L V. quæ fuerint in ea convocanda partes Principis, frigidè admodum explicat, his verbis: *Cum in urbem Parisiis ad invitationem Domini Regis glorioissimi Childeberti venissemus. Synodus vero Turonensis secunda habita anno D L X V I . nihil hec spectat præter conniventiam consensumque Principis: Quapropter Christo auctifice in Turonica civitate, Concilio concordante, juxta conniventiam glorioissimi Domini Chariberti Regis annuentes, coadunati. Sed Episcopi illi multam de se suspicionem injiciunt in hac causa. Quippe apertius animi fufensa exprimentes, non quidem ratione habita Principis tunc regnantis, sed Clodovei primi, qui diu ante mortuus erat, cujusque res gestæ ceteris Principibus exemplo esse debent, non dubitant scribere in canone x x i . illum supplicasse Episcopis ut ad Synodum Aurelianensem convenirent. Et tamen epistola synodica illius synodi contrarium evincit, cum in ea patres ingenuè fateantur se iussu Clodovei fuisse congregatos in urbe Aurelianensi.*

VIII. At Concilium Matisconense primum, & secundum, itemque Valentininum secundum, Parisiense quintum, & Cabilonense iis verbis usâ sunt quæ Regum auctoritati respondent; penes quos est jus non solùm invitandi Episcopos ad synodum, aut eorum congregationi consentendi, sed etiam eam jubendi & imperandi. Episcopi Concilij Matisconensis primi, quod habitum est anno quingentesimo octagesimo primo, fatentur se congregatos esse ex evocatione glorioissimi Domini Gunthramni. Qui loquendi modus explicat jus & potentiam ejus qui per literas suas convocat synodum. Sanè jus quod Metropolitanus competit convocandi Concilij Episcoporum sua provinciæ, eo vocabulo explicatur in Concilio Aurelianensi tertio, can. i. *Ad quam civitatem suos evocet fratres. Tractus est autem hic loquendi modus ex capite quadragesimo decretorum Papæ Leonis, qui ad Episcopum Thessalonicensem Illyrici Exarchum ita scribit: In evocandis autem à te Episcopis moderatissimum esse te volumus.* Quare cum synodus Matisconensis fateatur se congregatam esse ex evocatione Regis Gunthramni, prorsus manifestum est eam in unam conspirare sententiam cum Episcopis synodi Valentine secundæ habite anno quingentesimo octagesimo quarto, qui scribunt mediocritatem suam in urbe Valentina convenisse juxta imperium glorioissimi Gunthramni Regis.

IX. Magni momenti est secunda synodus